

OKVIRNI SPORAZUM

O SERVISIRANJU MOTORNIH VOZILA

zaključen između

1. **"Gavrić Komerc" doo Istočno Sarajevo**, Ravnogorska 147, koga zastupa direktor Tijana Gavrić-Mičić (u daljem tekstu Serviser) i
2. **BOSNA I HERCEGOVINA, MINISTARSTVO SIGURNOSTI BiH**, Trg BiH br. 1, Sarajevo koga zastupa ministar Dragan Mektić (u daljem tekstu Naručilac)

Član 1

Predmet ovog Okvirnog sporazuma je vršenje servisnih usluga, popravka motornih vozila, ugradnja originalnih rezervnih dijelova u skladu sa cijenama i uslovima navedenim u ponudi br.79/15 koja je prihvaćena kao najpovoljnija ponuda po konkurentskom postupku sa dodatnom objavom obavještenja u Sl. glasniku BiH br. 64/15 i koja čini sastavni dio ovog Okvirnog sporazuma. Pojedinačne cijene iz ponude su fiksne i ne mogu se mijenjati u toku ugovorenog perioda. Planirana vrijednost okvirnog sporazuma je 25.600,00 KM bez PDV-a za 24 mjeseca. Ugovorne strane su saglasne da će Serviser obavljati sve navedeno u predmetu Ugovora za sva vozila koja su u vlasništvu Naručioaca.

Član 2

Izvršilac se obavezuje da će:

- stručno i kvalitetno obavljati servisne usluge i popravke motornih vozila Naručioaca u garantnom i vangarantnom roku,
- u roku od 24 sata od momenta dopremanja motornog vozila u servis uzeti u rad,
- na svom lageru obezbijediti neophodne rezervne dijelove za servisiranje vozila uz prethodno dostavljenu specifikaciju Naručioaca,
- sve servisne intervencije i opravke vozila Naručioaca vršiti u skladu sa planom održavanja vozila, odnosno prema uputama proizvođača istih.

Prilikom servisiranja motornog vozila, lice ispred Ministarstva -vozač vozila koji je i odgovoran za predmetno vozilo, ima pravo prisustvovati popravci, a neispravni rezervni dijelovi će se predati vozaču u stanju kakvom su zatečeni. Odabrani ponuđač je obavezan vršiti preventivni pregled službenih vozila i obavezan je voditi ažurno evidenciju o izvršenom redovnom, vanrednom održavanju, preventivnom pregledu vozila kao i zamjenjenim rezervnim dijelovima, odnosno navedeno evidentirati u servisnoj knjižici za svako pojedinačno vozilo. U knjižici je potrebno posebno obilježavati rok valjanosti periodičnog pregleda i pregleda kočnica. Ukoliko ponuđač ne pristupi servisiranju (popravci i održavanju) na način definisan prethodnim stavom, Ministarstvo će angažovati drugu servisnu kuću, a nastale troškove će fakturisati odabranom ponuđaču.

Ministarstvo zadržava pravo provjere zamjenjenog originalnog rezervnog dijela ili potrošnog materijala kod drugog servisera i pravo prigovora. Ukoliko se utvrdi da nije došlo uopće do zamjene navedenog rezervnog dijela i/ili potrošnog materijala, ili je ugrađen već korišten rezervni dio ili nije ugrađen originalni rezervni dio ili potrošni materijal i sl. Ministarstvo zadržava pravo da ne prihvati plaćanje za predmetno servisiranje, te će odabranom ponuđaču dostaviti pismenu opomenu i zahtjevati ponovno servisiranje u roku od 24 sata od uočavanja naprijed navedenih nedostataka. Ako se ponuđač i nakon

pismene opomene ne bude pridržavao odredbi koje se tiču karakteristika, kvalitete i količina okvirnih sporazumnih nabavki, Ministarstvo zadržava pravo da automatski raskine sporazum i da neizvrši plaćanje faktura za nekvalitetno izvršene sporazumne usluge.

Član 3

Naručilac se obavezuje da će se pridržavati plana održavanja vozila, odnosno uputa proizvođača istih, uključujući primjedbe Servisera.

Član 4

Serviser se obavezuje da će servisiranje i održavanje vozila izvršiti po vrstama i karakteristikama a na osnovu pismene narudžbe Naručioca. Odabrani ponuđač se obavezuje koristiti nove originalne rezervne dijelove i originalni potrošni materijal i da će za izvršene usluge servisiranja službenih vozila, odnosno zamjene rezervnih dijelova koji su bili predmet servisiranja, isti imati garanciju u trajanju od 12 mjeseci.

Član 5

Izvršilac se obavezuje da će sljedeće ekspresne servisne intervencije izvršiti odmah, odnosno bez prethodne najave Naručioca i to:

- zamjena metlica brisača,
- opravka ispušnog sistema,
- zamjena kočionih obloga,
- zamjena sijalica, kao i druge servisne intervencije koje ne zahtijevaju dugo vremensko zadržavanje.

Naručilac se obavezuje da redovne servise, koji su predviđeni u servisnim knjigama i uputstvima za upotrebu vozila koje preporučuje proizvođač, neće tretirati kao hitne i za njih neće tražiti izvršenje bez prethodne najave.

Član 6

Izvršilac će cijenu obavljene usluge iz člana 1 ovog Okvirnog sporazuma obračunavati na osnovu specifikacije urađenih poslova, utrošenog materijala i ugrađenih dijelova u skladu sa ponudom. Naručilac se obavezuje da će račun za izvršene usluge, ugrađene ili isporučene dijelove i materijal platiti u roku od 30 (trideset) dana od dana ispostavljenja fakture. Ukoliko Naručilac ne plati račun za obavljene usluge i isporučene dijelove u naznačenom roku dužan je platiti zakonom određenu zateznu kamatu.

Član 7

Serviser se obavezuje osigurati zamjensko vozilo Naručiocu, ukoliko bi popravka vozila trajala duže od 5 dana, po posebnoj cijeni za zamjensko vozilo koja je propisana od strane proizvođača. Serviser se obavezuje osigurati servisnu službu s vučnom službom za otklanjanje kvarova na terenu ili preuzimanje vozila kod kojih je kvar nastupio u prometu, a zbog prirode kvara nisu u mogućnosti dovesti se do radionice.

Član 8

Ugovor se zaključuje na period od 24 mjeseca od dana obostranog potpisivanja, a najduže do izbora novog ponuđača. Serviser se obavezuje dostaviti Garanciju za dobro izvršenje ugovora u iznosu 2500,00 KM i biće u slijedećem obliku: bezuslovna bankovna garancija plativa na prvi poziv, u roku od 5 dana nakon potpisivanja ugovora.

Član 9

Svaka ugovorna strana može pokrenuti proceduru za raskid ovog Ugovora ako druga ugovorna strana ne izvršava obaveze preuzete ovim Ugovorom uz otkazni rok od 30 dana (računajući od dana prijema otkaza).

Član 10

Ugovorne strane su saglasne da će sve eventualne sporove u vezi izvršavanja ovog Ugovora nastojati da riješe sporazumno, a u slučaju nemogućnosti rješenja spora ugovorne strane su saglasne da je nadležan Sud Bosne i Hercegovine.

Član 11

Ovaj Okvirni sporazum je sačinjen u 4 (četiri) istovjetna primjerka od kojih svaka ugovorna strana zadržava po 2 (dva) primjerka.

Član 12

Ugovor stupa na snagu danom obostranog potpisivanja od strane ovlaštenih lica ugovornih strana.

"GAVRIĆ KOMERC" d.o.o.

Serviser

Tijana Gavrić-Mičić

Tijana Gavrić-Mičić

87/15



MINISTARSTVO SIGURNOSTI BiH



Dragan Mekić

Dragan Mekić

Broj:

04-16-4-4204-20/15

Datum:

23-10-2015